

海岱史略

39-01
六

海岱史畧卷之五十九

南史武功傳

檀道濟高平金鄉人也居京口少孤居喪脩禮事兄姊以和謹稱
宋武帝建義道濟與兄韶祗等從平京城累遷太尉參軍封作唐
縣男義熙十二年武帝北伐道濟為前鋒所至望風降服徑進洛
陽議者謂所獲俘囚應悉戮以為京觀道濟曰伐罪弔人正在今
日皆釋而遣之於是中原感悅歸者甚衆武帝受禪以佐命功改
封永修縣公位丹陽尹護軍將軍出為鎮北將軍南兗軍封作唐
羨之等謀廢立諷道濟入朝以謀告之道濟屢陳不可服徑進洛
帝即位進封武陵郡公固辭上將誅徐羨之等召道濟人正在今

王華曰不可上曰道濟從人者也曩非創謀撫而使之必將無慮
道濟至之明日上誅羨之亮既而使道濟與中領軍到彥之前驅
西伐上問策於道濟對曰臣昔與謝晦同從北征入關十策晦有
其九才畧明練殆難與敵然未嘗孤軍決勝戎事恐非其長臣悉
晦智晦悉臣勇今奉命往討必未陣而禽時晦本謂道濟與羨之同
誅及聞道濟來遂不戰自潰事平遷征南大將軍江州刺史元嘉
八年到彥之侵魏已平河南復失之道濟都督征討諸軍事北略
地轉戰至濟上與魏軍三十餘戰多捷軍至歷陽糧竭降魏者具
以情告軍中大懼道濟夜唱籌量沙以所餘少米散其上及旦魏
軍謂資糧有餘故不復追以降者妄斬以徇時魏軍甚盛道濟兵

寡弱軍無固志道濟乃命軍士悉甲身常服乘輿徐出外圍魏軍
懼有伏不敢逼乃歸道濟雖不克定河南全軍而反雄名大振魏
甚憚之至圖之以穰鬼進位司空鎮壽陽道濟立功前朝威名甚
重左右腹心並經百戰諸子又有才氣朝廷疑畏之文帝寢疾累
年領軍劉湛貪執朝政慮道濟為異說彭城王義康亦慮宮車晏
駕道濟不可復制十二年上疾篤召道濟入朝其妻向氏曰高世
之勲道家所忌今無事相召禍其至矣及至上已間十三年春將
遣還鎮下渚未發會上疾動義康矯詔召入祖道收付廷尉及其
子植粲等八人並誅又誅司空參軍薛彤高進山並道濟心腹也
道濟見收憤怒氣盛目光如炬俄頃引飲一斛脫幘投地曰乃壞

汝萬里長城魏人聞之皆喜曰道濟已死吳子輩不足復憚自是頻歲南伐有飲馬長江之志二十七年魏軍至瓜步文帝登石頭城望甚有憂色歎曰若道濟在豈至此

韶字令孫以從平桓元功封邑邱縣侯從征廣固率所領先登位琅邪內史從討盧循以功更封宜陽縣後拜江州刺史以罪免韶嗜酒貪橫所在無政績上嘉其合門從義道濟又有大功故特見寵授卒子臻員外郎

祗字恭叔與兄韶弟道濟俱參義舉封西昌縣侯位廣陵相義熙十年亡命司馬國璠兄弟自北徐州界潛得過淮因天陰闇夜率百餘人緣廣陵城入叫喚直上廳事祗被射傷股語左右曰賊乘

闇得入欲掩我不備但打五鼓懼之曉必走矣賊聞鼓鳴直謂為曉乃奔散追殺百餘人宋國初建為領軍祇性豪縱不願內職發疾卒諡曰威侯傳嗣至齊受禪國除

王鎮惡北海劇人也祖猛仕苻堅任兼將相父休為河東太守鎮惡以五月生家人以俗忌欲令出繼疎宗猛曰昔孟嘗君惡月生而相齊是兒亦將興吾門矣故名為鎮惡年十三而苻氏敗寓食黿池人李方家方善遇之謂方曰若遇英雄主要取萬戶侯當厚相報方曰君丞相孫人材如此何患不富貴至時願見用為本縣令足矣後隨叔父曜歸晉容荊州頗讀諸子兵書喜論軍國大事騎射非常而縱橫善果斷宋武帝伐廣固鎮惡時為天門郡臨澧

令或薦之武帝召與語異焉因留宿旦謂諸佐曰鎮惡王猛孫所謂將門有將卽以署前部賊曹拒廬循有功封博陸縣五等子武帝西討劉毅轉鎮惡參軍事使率龍驤將軍蒯恩百舸前發鎮惡晝夜兼行揚聲劉兗州上毅謂爲信不知見襲也去江陵二十里鎮惡舍船步進舸留一二人對舸岸上建旗鼓語所留人曰計我將至城便嚴鼓令後有大軍狀又分隊在後令燒江津船鎮惡徑前襲城津戍及百姓皆言劉藩嘗來晏然不疑將至逢毅將朱顯之馳前問藩所在軍人答曰在後及至軍後不見藩又望見江津船艦被燒而鼓聲甚盛乃知非藩便躍馬告毅令閉城門鎮惡亦也建得入城便因風放火燒大城南門及東門及短兵接戰軍人

與毅將士或是父兄子弟中表親親且關且語知武帝在後人情
離懈毅出奔牛牧佛寺自縊鎮惡身被五箭所執稍手中破折江
陵平後二十日大軍方至進封漢壽縣子武帝北伐為鎮西諮議
行龍驤將軍領前鋒入賊境戰無不捷破虎牢及柏谷塢進次黿
池造故人李方家升堂見母厚加酬賚即授方黿池令方軌徑至
潼關為偽將姚紹所拒不得進將士乏食乃親到宏農勸民輸租
百姓競進義粟軍食復振會紹病死姚讚代守武帝繼至讚引退
大軍次潼關謀進取鎮惡請率水軍自河入渭直至渭橋所乘皆
蒙衝小艦行船者悉在艦內沂渭而進艦外不見有行船人北土
素無舟楫莫不驚以為神鎮惡既至令將士食畢便棄船登岸渭

水流急諸盜悉逐流去鎮惡撫士卒曰此是長安城北門外去家
萬里而舫乘衣糧並已逐流惟宜死戰可立大功乃身先士卒即
陷長安城城內六萬餘戶鎮惡撫慰初附號令嚴肅於灊上奉迎
武帝勞之曰成吾霸業者卿也及武帝東還留第二子桂陽公義
真鎮長安鎮惡以征虜將軍領安西司馬馮翊太守委以扞禦之
任大軍既行赫連勃勃逼北地義真遣中兵參軍沈田子拒之以
虜盛逼屯劉因堡遣使還報鎮惡對田子使謂安西長史王修曰
公以十歲兒付吾等當共思竭力今擁兵不進賊何由得平使反
言之田子甚懼王猛之相符堅也北人以方孔明入關之功又鎮
惡為首時論者深憚之田子與鎮惡爭功二人常有猜心武帝將

歸私謂田子曰鍾會不得遂其亂者為有衛瓘等也語曰猛虎不
如羣狐卿等十餘人何懼鎮惡耶時鎮惡師於涇上與田子俱會
傅宏之營田子求屏人因斬之幕下並兄基弟鴻道深從弟昭朗
凡七人宏之奔告義真義真率王智王修被甲登橫門以察其變
俄而田子至言鎮惡反修執田子以專戮斬焉是歲義熙十四年
正月也追贈左將軍青州刺史及帝受禪追封龍陽縣侯諡曰壯
傳國至曾孫叡齊受禪國除

蒯恩字道恩蘭陵承人也

嶧縣

武帝征孫恩縣差恩伐馬芻常負大

束兼倍餘人每捨芻於地歎曰大丈夫彎弓三石奈何充馬士武
帝聞之即給器仗自征祇賊常為先登膽力過人甚見愛信於妻

縣戰箭中右目平京城定建業以軍功封都鄉侯從伐廣固破盧
循隨劉藩追斬徐道覆與王鎮惡襲江陵隨朱齡石伐蜀又從伐
司馬休之自從征討凡百餘戰身被重創武帝錄其前後功封新
寧縣男武帝北伐留恩侍衛世子命朝士與之交恩益自謙損與
人語常呼位官自稱鄙人撫士卒甚有恩紀世子開府再遷為司
馬後入關迎桂陽公義真沒於赫連勃勃傳國至孫無子國除
虞邱進字豫之東海郟人也少時隨謝元討苻堅有功封關內侯
後從宋武帝征孫恩頻戰有功從定建業除燕國內史封龍川縣
五等侯及盧循逼都孟昶等議奉天子過江進廷議不可面折昶
等武帝甚嘉之除鄱陽太守後隨劉藩斬徐道覆義熙九年以前

後功封望蔡縣男永初二年累遷太子右衛率卒追論討司馬休之功進爵為子傳國至曾孫齊受禪國除

孟懷玉平昌安邱人也居京口父綽晉光祿勳宋武帝東伐孫恩以懷玉為建武司馬豫義旗從平京口定建業以功封鄱陽縣五等侯武帝鎮京口以懷玉為鎮軍參軍累遷輔國將軍盧循逼都懷玉於石頭岸連戰有功為中軍諮議參軍賊帥徐道覆屢欲以精銳登岸畏懷玉不敢上及循南走懷玉與眾軍追至嶺表徐道覆也結始興懷玉攻圍之身當天石旬月乃陷循平封陽豐縣男義熙八年遷江州刺史督六郡諸軍事時荊州刺史司馬休之居上流有異志故授懷玉此任以防之十一年加持節丁父艱懷玉

有孝性因抱篤疾上表陳解不許又自陳弟仙客出繼喪主惟已
乃見聽未去任卒時年三十一追贈平南將軍子元早卒次子慧

熙嗣爵

龍符懷玉弟也驍果有膽氣早為武帝所知既克京口以龍符為
建武參軍江乘羅落覆舟三戰有功封平昌縣五等子又嘗征桓
歆討索虜斛蘭並有功武帝伐廣固以龍符為車騎將軍加龍驤
將軍廣川太守統步騎為前鋒軍達臨朐與賊爭水龍符單騎衝
突應手破取即據水源賊退走龍符乘勝奔逐後騎不及賊數千
騎圍繞攻之龍符奮稍接戰每一合輒殺數人衆寡不敵遂見害
時年三十三武帝深加痛悼追贈青川刺史又表請封臨沅縣男

以弟仙客子微生為嗣

係祖微生子也元嘉中係祖隨父徙廣州大明初流徙者悉聽還時微生已死係祖遂歸京師有筋幹異力能擔負數人入隸羽林為殿中將軍二年索虜寇青冀孝武遣軍援之係祖自占求行戰於杜梁挺身入陣所殺狼藉遂見殺詔贈潁川郡太守

孟次陽字崇基安邱人宋明帝太始初為山陰王休祐驃騎參軍薛安都子道標攻合肥次陽擊破之以功封攸縣子歷右軍驃騎將軍六年出為輔師將軍兖州刺史戍淮陰立北兖州自此始也進號冠軍將軍元徽四年卒

李安民蘭陵承人也祖疑衛軍將軍父欽之薛令安民少有大志

常拊髀歎曰大丈夫處世富貴不可希取三將五校何難之有隨父在縣宋元嘉中縣被魏尅安民率部曲自拔南歸明帝時稍遷武衛將軍領水軍討晉安王子勛所向克捷事平明帝大會新亭樓勞諸軍主樗蒲官賭安民五擲皆盧帝大驚曰安民曰卿面方如田封侯相也後為廣陵太守行南兖州事齊高帝在淮陰安民遙相結事元徽初除司州刺史領義陽太守及桂陽王休範起事安民遣軍援都建平王景素起兵安民破其軍於葛橋景素誅留安民行南徐州事城局叅軍王回素為安民所親盜絹二匹安民流涕謂曰我與卿契濶備嘗今日犯王法乃卿負我也於軍門斬之厚為斂祭軍府震服轉東中郎司馬行會稽郡事高宗即位為

中領軍封康樂侯自宋泰始以來內外頻有賊寇將帥以下各募
部曲屯聚都下安民上表以為自非淮北常備其外餘軍悉皆輸
遣若親近宜立隨身者聽限人數上納之故詔斷衆募時王敬則
以勲誠見親至於家國密事上惟與安民論議謂曰署事有卿名
我便不復細覽也尋為領軍將軍魏攻壽春至馬頭詔安民禦之
魏軍退安民沿淮進壽春宋時亡命王元初聚黨六合山僭大號
自云垂手過滕州郡討不能禽積十餘年安民生禽之斬建康市
高帝崩遺詔加侍中武帝即位為丹陽尹遷尚書左僕射安民屢
啟密謀見賞故有此授尋上表以年疾求退為吳興太守於家載
米往郡時服其清卒諡肅侯

子元履幼有操業甚閑政體為司徒竟陵王子良法曹參軍與王融游狎及融誅鬱林敕元履隨右衛將軍王廣之北征密令於北殺之廣之先為安民所厚又知元履無過甚擁護之會鬱林敗死元履拜謝廣之曰二十二載父母之年自此以外大人之賜也仕梁為吳郡太守度支尚書衡廣青冀四州刺史

桓康蘭陵人也勇果驍悍宋大明中隨齊高帝為軍客從武帝在贛縣泰始初武帝起義為郡所繫眾皆散康裝擔一頭貯穆后一頭貯文惠太子及竟陵王子良自負置山中與門客蕭欣祖等四十餘人相結破郡獄出武帝郡追兵急康等死戰破之隨武帝起兵摧堅陷陣膂力絕人所經村邑恣行暴害江南人畏之以其